

ԱՄԵՐԻԿԱԿԱՆ ԳԻՒՏ

Մի ճարպիկ ամերիկացի, շահագործելով հասարակութեան սերը ղէպի արկածալից վէպերի ընթերցանութիւնը, տղամարդու մի նոր տեսակ շապիկ հնարեց, որ մի օձիքը բաղկացած է եօթ առանձին թղթէ թերթերից: Այս թերթի ետևի երեսին վէպ է տպած, իսկ առջևի կողմը ծառայում է ինչպէս շապիքի օձիք: Շապիկները թուահամարած են, այնպէս որ իւրաքանչիւր ընթերցող գիտէ, թէ ինչպէս պէտք է գտնի իրան հարկաւոր վէպի շարունակութիւնը: Բացի սրանից, հնարողը իր տպած նիւթերը այնպէս է դասաւորել, որ ամեն մարդ, ով երկու շապիկ է գնում, ունենում է արդէն մի ամբողջ վէպ: Այս գիւտի օգուտը կայանում է նրանում, որ այդպիսի շապիկ ունեցողը կարող է ունենալ մաքուր օձիք եօթն օր շարունակ և ամեն օր մի մի թերթ բաց անելով և՛ իր տրամադրութեան տակ զրաւիչ ընթերցանութիւն մի ամբողջ շաբաթ, որովհետև այս շապիկի հնարողը գրաւել է իր օձիքների համար այս կողմից քիչ շատ տաղանդաւոր գրողներին ու գրագէտներին և վճարում է նրանց ամենաբարձր վարձատրութիւն, միայն թէ վէպերը կարդացուին յափշտակիչ ոգևորութեամբ: Այս շապիկի հնարողը հաշուում է ի հարկէ այն, որ շատերը, ընթերցանութեամբ յափշտակուած օրը մի քանի թերթ կ'սկսեն իրանց օձիքից և շապիկը շուտ շուտ կ'ոխեն, ցանկանալով շուտ կարդալ հետաքրքրական վէպը: Այսպիսով, հետաքրքրական վէպերը բազմաթիւ բանուորներին միևնոյն ժամանակ կ'սովորցնեն մաքրութիւն և սպիտակեղէնի շուտ շուտ փոխելուն:

Մամուլի տակ է եւ շուտով լոյս կտեսնի

ԵՂԻՇԷՐ ՎԱՐԴԱՆԱՆՑ ՊԱՏՄՈՒԹԻԻՆԸ

Աշխարհաբար նոր թարգմանութիւն

ԳԻՒՏ ԱՂԱՆԵԱՆՑ Ա. Գ.